

第一三三三册

四庫全書

●上海古籍出版社

本冊目次

學餘堂文集
詩外集

清施閏章撰……………一

欽定四庫全書

集部

學餘堂文集卷二

詳校官檢討臣劉錫五

助教臣常循覆勘

總校官庶吉士臣何思鈞

校對官編修臣王嘉曾

謄錄監生臣蔣翰

欽定四庫全書

集部七

學餘堂文集

別集類六 國朝

提要

臣等謹案學餘堂文集二十八卷詩集五十

卷外集二卷

國朝苑閣章撰閔章字尚白號愚山宣城人順

治己丑進士官江西布政司叅議康熙己未

召試博學鴻詞授翰林院侍讀王士禎選感舊

欽定四庫全書

學餘堂文集

山水二集所錄閔章詩最多又取其五言近

體八十二聯為摘句圖見所撰池北偶談中

閔章嘗語士禎門人洪昇曰爾師詩如華嚴

樓閣彈指即現吾詩如作室者鏡甕木石一

一就平地築起士禎亦記於居易錄平心而

論士禎詩自然高妙固非閔章所及而未學

沿其餘波多成虛響以講學譬之王所造如

陸施所造如朱陸天分獨高自能超悟非拘

守繩墨者所及朱則篤實操修由積學而漸進然陸學惟陸能為之楊簡以下一傳而為

禪矣朱學數傳尚有典型則虛悟實修之別也閨章所論或亦微有所諷寓規於頌歎其
蛟齋詩話有曰山谷言近世少年不肯課治
經史徒取助詩故致遠則泥此最為詩人鍼
砭詩如其人不可不慎浮華者浪子叫號者
粗人瘡癩者淺癡肥者俗風雲月露鋪張滿

欽定四庫全書

學餘堂文集
詩卷

三

眼識者見之直一葉空紙耳故曰君子以言
有物觀其持論其宗旨可睹矣古文亦摹仿
歐曾不失矩度然視其詩品則少亞魏禧為
作集序乃置其詩而盛許其文非篤論也外
集二卷一為硯林拾遺乃奉使廣東時記所
見端溪石品一為試院冰淵則歷年典試所
作序文及條約今附存之又有別集四卷其
二卷為蛟齋詩話二卷為矩齋襟記詩話瑕

瑜叅半襟記則小說家言今析出別著錄焉
乾隆四十四年九月恭校上

總纂官_臣紀昀_臣陸錫熊_臣孫家毅

總校官_臣陸費坤

欽定四庫全書

學餘堂文集
詩卷

三

學餘堂集原序

士大夫之能詩古文者數百年以來於今為盛予最愛吳門汪戶部宣城施愚山先生之文其他卓犖奇偉指不勝屈今天下文患才多二家獨剷除一切浮厲之言而左規右矩與古人不失尺寸此其所以難能也歲己未施先生自京師以書來郵其詩及傳記諸作屬予論定而序之予於先生舊為部民未嘗一請見今定先生文盡吾意所欲道若吾於易堂諸子儕輩相晨夕者之

欽定四庫全書

學餘堂集

所為益先生學聖賢之道日久心虛平而氣下方孜孜欲寡其過使人輕千里而告以善況區區文章之間乎予病廢三十餘年不敢懷一刺一啟事於貴人獨往好戶部文欲有所商確先之以書而世不察也以為相訾議然頗尋繹是書縱橫凌厲有求勝於人之氣自恨生不學道不能自克其名勝之私以五十無聞之年蹈少年喜事之習今將破焚其版然而悔已不可追矣先生詩文原本道義無自矜厲之氣其譽人也無過情之詞

網繆往復亦未嘗自過其情所稱有道者之言非耶予內媿而白汗交下者益往往而然然先生文意朴氣靜初讀之若未嘗有所驚動於人細尋繹之則意味深長詳復而不厭文章瑰偉之士退然不敢踐其藩籬間為議論若不得已而出而終不欲馳騁張皇自傷其體法益才多之文先生非不能為而不為之而未嘗不可以想見其才此則愚山氏之文而非他人之為文者也先生詩古節雅音得風人之性情海內士久服習而論定

欽定四庫全書

學餘堂集

之無待予不知言者之揚厲已予既甲乙先生文以歸因道所私見質先生若夫弁諸集首則何敢寧都易堂魏禧撰

欽定四庫全書

學餘堂文集卷一

翰林院侍讀施閏章撰

賦

璿璣玉衡賦有序

益聞載物敷仁德莫厚於配地膺圖永祚功莫崇於
敬天故上古聖皇首出同推宣聰之哲鴻濛初剖早
竭仰觀之思益神明與造物同符而耳目與化工合

欽定四庫全書

學餘堂文集
卷一

撰然於穆之體以象而克彰欽若之心因器而悉察
自羲軒在御分晝夜以清寧及姚唐授時定支干以
甲子有虞制作久備璿衡肇詳上以齊七政之運行
爛星雲於眉睫下以資庶彙之蕃息叙人物於雍熙
自非聖人其孰知之我

皇上出震乘乾登三邁五郊祀而鹽薦必親齋居而旦
明罔懈恩肥土域道格蒼穹猶復廣徵俊良稍備采
擇以璿璣玉衡

命賦伏見敬

天勤民至意臣上漸

宸眷內帑管窺最稽首頓首而賦之其詞曰

維帝載之默運泯聲臭以難名既高下以定位紛散殊
以流形嬗神功以闔闢妙旋轉於不停固清寧之合撰
乃天施而地生伊積氣之上浮亶羣陽之至精風雨露
雷司其教舒欽溫肅推其序蘊之則寔美利於不言見
之則繫星辰以衆著或隨躔度以迅行或守次舍而若

欽定四庫全書

學餘堂文集
卷一

住或象九野而區分或拱辰樞而環聚亘終古其如斯
夫誰得而知其故爾乃二曜周天五行列次象緯由之
錯綜祥祲由以微異章亥不能施其步算保章無所容
其巧智苟測景於自然良坐照其位置爰有天挺至聖
志氣如神仰觀極目理矚無垠三辰七曜既羅於胸臆
遲速順逆洞燭其紛綸乃殫精畢慮制器以當懸象綴
珠刻玉造儀以繪紫氣璣為圓景而穹窿於焉曲肖衡
為橫管而日星於以爛陳由是命官則羲仲和仲分其

任測晷則朝夕賓餞敬其時由璣以列其全則雖圓如
歆蓋而圖之不出指掌由衡以測其詳則雖繁於散珠
而窺之炯若察眉斗杓東而勾芒御春識農事之攸始
微垣耀而文武協翼知皇極之咸歸其後言天之家有
三而宣夜無傳不足以窮蘊奧周髀之說雖晰而渾天
儀立遂莫出其範圍要以七政既齊而庶績皆底非徒
求之天象也王者父天母地兄日姊月呼吸可以上通
精神捷於乎格雨暘時若稽於洪範之書卿雲載歌颺
欽定四庫全書

學餘堂文集

三

自虞姚之冊日食修德月食修刑聖王每用以省衮職
風不鳴條雨不破塊古帝本之以承天則他若秦階平
則上理丕奏奎井聚則賢才彙征天倉顯而歲豐稷稷
橈槍晦而世偃甲兵皆有感而胥應信庶徵之分明故
三言近仁熒惑退舍而恐後以民為天管氏昌言於齊
后董子對天人以陳王道春秋書災異以警休咎既協
極於維皇固知純淑之輻輳

粵江賦

壬辰暮春奉使西粵將下潯水汎蒼梧時嶺南甫定
所在榛莽心懸萬里勢異三江行而不息遂浮漲海
爰抒情託翰以粵江命篇事不期詳聊書即日辭不
競侈略紀荒隅若曰揚元虛之清波鼓景純之洪沐
此則平子為之絕倒士龍需以覆瓿云爾

欽定四庫全書

學餘堂文集

四

桑神禹望洲而卻步桑欽輟翰而傍徨險隘劣於容舫
森激騰於飛矢疊羊腸以為崖紛犬牙之錯峙橫磯截
而若斷積峽閉而還啟瞻前後其不屬洵眩目而駭耳
於時青陽弭節朱明發軌瘴雲醺厲炎風煽愁入舟若
甕披締勝表雖連漪而樂飢曾不可以久留聊翹首以
遐矚託乘槎以寫憂若夫夾岸層巒詭形不若或上方
而下圓或踵銳而頂縮此乍騰而旋倚彼奮飛而中落
為杵臼之參差為刀劍之岑嶺渺烟雲之旖旎森虎豹

欽定四庫全書

學餘堂文集

五

之相搏雲竇實其洪深洞門聞其寥廓竄魑之窟宇
江妃之所磅礴若夫石壁百仞的皪玲瓏蟲鳥繪繡風
雨磨礱皎潔則玉屏失素渥丹則晨霞奪紅盼盼若鬚
眉之刻畫纍纍懸鐘鼓之肅雍俯墜而成飲猿仰躍而
作飛熊日曜珊瑚之圓潭澄珠貝之宮港縹青與結綠
與雲水相菁蔥良綺麗而難忘亦愀愴而動容爾乃急
激危灘星羅電逐倍疾黎之糾蔓驅地軸以反覆龍首
乍昂鰲背潛伏雷劈聲旬黃牛吼瀑雷劈黃牛並灘名貫舳艫

於一錢汙盤渦於千曲石礪礪而相飜水激激而自哭
蛟蛇噴氣以成霧鰐魚張口以伺肉苟失路於秋毫將
永逝而不復其草木則鬱金烈烈冶葛蔓延巢鏤人面
樹號釣綠地羅錦蝶斷續藤牽楓人椰子筋竹木棉桂
緣岡以挺翠榕抱石以連蜷問枕柳於密合塞薊蕪於
崇山草吉利以祛毒竹輪困而為船上林絕種本草遺
編其鳥獸則對狼疊跡兕狖交衡林潛犀象原臥麋麕
猩猩躑躅鵲鳥笑呼糖牛舐舌飛虎餐膚錦雞孔雀倒

欽定四庫全書

學餘堂文集

六

掛提壺憐彩翰之鵷鷺憎南飛之鷓鴣彼吉了與鸚鵡
豈言語之與人殊何託體於嶺表寄翩翹之微軀羨羽
族之有口哀人生之鬱紆爾其乘迅流之逸駭命蘭楫
之駘蕩語未終而岸移瞬方迎而境往駕飛廉而奔駭
騰此螭而懷悅至於綬磯升舫濡裳引纜瀨急篙摧裝
傾水激舟人屈蠖而叫號若哀鴻之悲彈方杲杲而日
出鬱炎炎以沸湯龜負沙以出曝鰈跳波而驚翔忽淫
淫而滂沛雲慘慘以晝昏木樓搜兮肌粟水澌澌兮山
奔迷帆檣其失影悵天地之何存歎陰霽之回互愆四
序之寒暄訪溪蠻兮島夷問江亭兮水驛敗瓦頽碑梯
崩徑圻或并服而鳥言亦巢山而栖石渺乎若行蟻之
上枯梨悄兮若蝸牛之廬絕壁於是有漢將南征戈船
竹舸馮夷出關敵人並坐馬飲流而駭毒士解甲而就
裸馳羽檄而逡巡仰跼蹙之前墮亦有宦游使者持節
浮槎感夢山靈墮泪江花悼然犀之短照耿幽咽於哀
笳霓旌折於窮島鵲首沈於漲沙若乃魚鹽市販之徒

珍怪遠方之客採奇方於僂崖剖明珠於海舶巴姑笑而婢媛獨戶聞而踵索忽抽刃以剽殺各鳥散而狼籍至於遷客羈人幽囚蔘婦銜悲嶺嶠寄愁林藪影畏含沙之蟲心繫啼猿之樹朝露泣其寥蕭夕月謁其幽素然青燐於宿莽弔冤魂之腐聚或風噪而雨嘯涕闌干以相顧撫單影之不雙嗟遇物之非故邇中土之人兮夫何爲乎此路忽收淚以自疚兮將憔悴兮告誰尼父發波臣之歎張騫犯織女之機三閭吞恨於魚腹伍胥流憤於鴟夷彼聖賢不付乎死生復何有於險巇龍負舟而按劍蛟爭壁而不迷審至人之髣彿悟哀樂之是非齊四海於勺水指十洲以爲期

大樟賦

吉州官舍旁有廢署亭館既虛古樟獨存榮枯相半不知幾年顧影婆娑情感斯集爲之賦曰

維豫章之都會兮依茂樹以立名生七日而表異兮更累積以長生何喬柯之拂層霄兮寄婆娑於空庭洵魁

欽定四庫全書

學餘堂文集

七

欽定四庫全書

學餘堂文集

八

壘而者碩兮頽然如故國之老成旭日澹兮晦時靈颺發兮清泠驚絕巘之秀峙兮紛蒙龍兮崢嶸影扶搖兮千仞腹輪困兮十抱體臃腫以辭繩墨兮節礪礪兮骨傲卜歲年其莫知兮若根株之天造塊獨處兮旁無人風夜號兮雨嘯豈不可崇棟而丹楹兮聊棲散以相羊爛五色兮繡錯凝清液兮芬香涉蕭瑟而不槁兮棲綠葉兮玄霜苟孤榮之不隕雖憔悴兮何傷歟青陽兮載旋敷繁英兮峭蒨枝油油以雲垂葉冉冉兮霧散弛巾帶以命觴蔭炎歊而却扇豈日月之改度愕寒暑之頃變既連蜷兮善下復夭矯兮若游迴衆羽以來巢兮羣長子孫而鳴啾啾即臬鸞其雜處兮亶道大而能周木寄生兮成拱芝叢秀兮菌聚寧頽形而瘁貌兮招萬類以旻附帳亭館之就墟兮歸階基其如故彼息影而坐憇者聞焉如四時之代去悟盛衰之相推兮蘊懣怛而誰訴生偃蹇兮正直集百靈兮憑依駕飛龍而降雲中兮森蘭旌兮桂旗聆笙鶴之逸響想羽人之委蛇樂此

蟠以觀化兮秉素節而不移鄙封爵兮泰松遠宮闕兮
漢祚齊大椿兮春秋悲楊柳兮搖落即苑枯其代嬗兮
若逍遙於廣漠滄海竭而山摧兮懸鄧林之殫殘良記
身兮得所歷斧斤而獨完時開襟而矯首兮閒倚嘯而
盤桓終含貞兮抱朴審大道之所安

南郊賦

伊有國之大事維享祀之是崇矧帝王之踐阼曰受命
於蒼穹溯感生之所自出知皇降之特隆偉哉父天而

欽定四庫全書

學衡堂文集

九

母地緬呼嘯以上通固明旦之必虔尤嚴恪於升中司
天肇於顓頊授時命於姚氏有虞舉郊禘之典夏商異
繇冥之祀易稱殷薦書紀肆類代相祖述姬旦備制圓
丘象乾就陽設位卜日用郊歲維冬至蓋緣父以祭天
乃推祖以作配候歲辰之微轉感生氣之初遂告萬物
之將成因祈穀於來歲司時之帝有五昊天之神則一
事不委諸有司誠必致乎齋栗望紫之牲用特瓦甒之
獻凡七雷以靈龜之鼗鼓奏以雲和之琴瑟雲門之舞

從風孤竹之管協律所以天神降地祇出會百靈格太
一故掃地而祭以明潔也崇土而丘以示尊也紫壇翠
幄象九霄也陶匱太羹昭素質也大裘素車無敢飾也
齋路寢而聽雞人修祇肅也先十日而戒百官各舉職
也於時元冥司令青陽啟塗微雪滌濯夜皎星疎天雞
初唱絳節宵趨掌次張帷典路驅車

天子乃乘玉輅緇垂旒夾道炳燭司樂導興飛廉清塵
於三輔啟明發曜於九衢揚和鑾以中節象珮玉而鳴

欽定四庫全書

學衡堂文集

十

琚望郊壇以戾止雲連蜺以踟躕氣鬱怒而布護髣髴
乎神靈之所都集羣公與百辟咸夙夜以瞿瞿森文武
之就列洵秩秩而于于乃燔芳薪進牲幣酌五齊薦蒼
璧饗上帝而配始祖相陟降而為主客日月星辰羅布
若次舍風伯雨師旁分其几席腥熟既陳芬芳疊積鐘
呂互奏磬石戛擊太常審音宗伯執爵調八音之和奏
九成之樂冉冉乎雲車之下臨裊裊兮霓旌之參錯就
丘壇以醉飽紛百靈之相索睇帝座之神光如流星之

灼爍聽鈞天之有無流遙響於寥廓鬱紫烟其靈龕屬
黃氣以旁薄既畢獻而樂闋猶秉圭而顯若爾乃隱列
宿吐朝曦回鑾銷銷屬車嚶嚶祥雲四塞上連天門登
高臺而望南時燔柴之餘霽猶蜿蜒而氤氲念昊天之
有子實一本之尊親怪漢武之濶畧乃三歲而間舉明
禋苟齋沐之稍怠或暴風怒雨以返輪故曰通天之義
報天之禮非徒肅將於俎豆厥惟令德之馨聞懿我
皇之天縱渺睿慮以如神既左經而右史亦講武而修
欽定四庫全書

學館堂文集

上

文恭儉惜露臺之費寬和布泣罪之仁巢有阿閣之鳥
囿有九真之麟躬嘗盟其必與奉蒸嘗之孔勤蓋與天
而合德將無瑞而不臻由是祠官風退史臣授簡拜手
稽首而獻頌曰皇建極服南北薦馨香見天則罷兵革
平反側壽萬齡惟九域重曰謹壇壝集靈祇閭闔開卿
雲蜚命惟新天無私滋泰稷雨暘時於是

天子大悅受釐宣室維惠迪吉顧視弗諼日慎一日

南苑大閱賦

天祚聖德地盡皇輿爰磨玉厯坐撫神區維赫濯於新
命踵幽燕之舊都岱宗位其東藩太行峙其西隅枕居
庸而帶滄海象天闕之辰樞宣建極於垂拱豈耽逸於
康娛然而遊豫徵於夏諺畋魚肇於義易姬文有靈臺
之詩漢武侈甘泉之制蓋將以觀雲物節勞逸振師旅
講武事藉田禽之多獲簡軍實以有備乃有西苑瀛臺
近取禁內樹列千章山稱萬歲俯玉泉之清泠挹西山
之紫翠眷別苑於南海伊密通於王畿壤連天以曠莽
欽定四庫全書

學館堂文集

上

水浴日以連漪掃崇壖於雲漢清輦道於郊圻睇紅門
之叢葉想帳殿之參差其陸則塗通九達軫連三輔金
臺扶轂督亢接武碣石遠而朱朝沸沆瀣滄池淵泓
楚之蒼然樂原田之膾膾其水則滴沸沆瀣滄池淵泓
桑乾輸派溟渤致靈島湮渚溢風靜波鳴囊枯太液餅
揭昆明閃旌旂於河伯動鱗甲於石鯨邈乎若乘槎之
浮銀漢彼哉嚙求仙之汎蓬瀛於是菰蒲沉綠菡萏數
紅鴛鵲翡翠仙鶴賓鴻呼羣鼓翼唼雨鳴風屬玉翔而

上下赤鯉戲而西東雉兔麀麀遊集乎其外虎犀熊兕
騰躍於檻中玉樹鬱鬱佳果連卷張公梨茂朱仲李蕃
葡萄盧橘珠綴火然上林閒居之賦爾雅方物之編窮
侈極異不可殫言時登高而騁目樂四野之丰眠是時
百穀告成八荒賓服西旅貢以厥獒於閭獻其浮玉龍
馬來於大宛象師致於西域

天子治不忘亂安不忘危乃詔虞人營虎落乘戎輅載

白旂千騎電發萬乘風馳用三驅以祝網命八校以前

欽定四庫全書

學餘堂文集

三

驅竟陵谷以張單界河海以為陸次飛賁育騁其拳勇
韓盧雕鷲恣其指揮俄摧山而押石捲四野而合圍氣
吞麀鹿手搯熊羆皆應弦而命中若俯身而拾遺風毛
雨血拈雄併雌由是割鮮殷輪委禽蔽地程校多寡殿
最次第勇怯分明惕威銜惠鳴鏡振旅歸而飲至

天子乃推絳灌之宿將詢旦奭之訂謀尚想頗牧之賢
旁覽孫吳之書敷文德於荒服定勝算於廟謨姬有荆
舒之憊尚有鬼方之誅畫策則燭照而數計殲寇則拉

朽而摧枯令嚴則過王師於社席功成則告

列祖以獻俘然後班張牧馬驚聽駢賭或奏賦於長楊
或歌恩於湛露頌擬白狼歌傳朱鷄鏤德銘功垂諸竹素
天子乃所無逸戒禽荒佩虞書九德之威詠幽風七月
之章眎異姓若赤子以八荒為蕭牆猗允文而允武亦
知柔而知剛將麟遊而鳳至永萬壽其無疆

修禊賦

懿景運之邁古樂聖世之如春履開陽之令序撰季月

欽定四庫全書

學餘堂文集

十四

之芳辰矧膚功之疊奏忻天氣之方新豫皇情於夏誥
騁帝狩於虞巡於時勾芒司候姑洗應節淑景和柔英
蕤布列都邑競游士女咸悅綈服塞塗華輶接陌或憩
蘭田或戲霸渚駢席雲移攘袖風舉若夫宦遊仙使咸
里豪家尋芳林麓拾翠水涯灑醪決溜浮棗成霞山鳥
窺庭而哢響游魚蹴浪以吹花

皇帝於是佩蒼玉駕青輅駢命渥注弓發繁弱解襍柳
泉流觴清洛侍衛綰紛旌旂灼爍馭叱山靈歡騰海若

關乃川原獻瑞雲物開祥黃河穢滌白馬神翔捧劍而
金人出水校射而星鎬穿楊講武則騎從頗牧蜚文則
授簡班揚聞東哲之對而賜金稱善諷右軍之序而觴
咏難忘斯時也雕雲映輦靈飈扇裳移情南澗游目東
堂井桃舒纈苑柳拖黃紫蘭汎景紅藥含芳彩仗徐動
翠幕高張乃集羣英命篇章入瑤圖紀天漿緬河曲之
盛集陋漆洧之微茫笑三女之怪誕指八公以徜徉美
宸游於元已擬獻賦於林光既蠲煩而集社亦俗阜而
時康遊豫喧闐於九陌聲靈遙被於八荒

欽定四庫全書

學劍堂文集

五

吃賦

元晏先生咀茹百家尚友曩詰窮論殫思倦而假寐若
有見焉董仲舒賈誼劉向馬遷揚雄司馬相如班固張
衡不謀斯集坐定田駢慎到之徒披帷直入不俟咨度
發難騁辨談天炙轂颺颺雲起元晏先生耳不周聆口
不給應於是董賈諸賢談言解紛班張接袂寓辭託諷
相如揚雄矯首卷舌哀如寒聽元晏先生听然曰諸君

子皆不世出之英文辨之士也兩先生獨墨墨豈不足
君所耶竊聞兩先生口吃沈默好著書多博麗之辭盡
請為吃賦馬揚避席固辭交讓揚舉手屬馬曰公雄之
先進也夫何辭相如始受簡含毫有頃而賦曰物無鬱
而不宣人無噤而不言伊辨叻之殊分亶天授之自然
或發聲若洪鐘或大笑如蒼蠅或舉舌如懸河或出口
如不勝乃有非啞非啞藥石固治產非鵠舌言近侏儻
掀屑頓顙疊韻重詞語未吐而顏頰聲欲急而逾遲駭

欽定四庫全書

學劍堂文集

十六

中斷而不續且語竟而終疑誦詩則宮徵失諧論事則
賓從匿笑詎三緘之是規將鬱伊而莫告已而賓退體
閒散帶開襟圖書在列清臆在林抽我秘冊操我素琴
沉吟朗詠山高水深牙期傾耳夔曠停音爾乃包羅天
地採擷萬彙作為詞賦筆雕楮繪氣凌雲而若飛才披
天而不匱言懼而雪谷華敷叙悲而春林霜悴託諷諫
於君王時比物以連類不俟淳于之滑稽何假東方之
遊戲且魯恭苦吃位列漢藩李廣啞口戰稱飛將韓非

說難以悟泰周昌強諫於騎項此皆流聲史冊者也夫何嗟嗟以快快楊子雲曰美哉其猶未既也子不見夫枋榆斥鷃肆飲啄以從容黃鸝百舌獨坐閉乎樊籠信如簧之階屬哀尚口之必窮懲邦家之傾覆唯佞倖之是庸吾固知百鳥之嘖嘖不如孤鳳之唳唳且夫風假物以成簫天垂象而無聲雷出蟄而偶震水潭靜而灘鳴所積者深厚所發者難名試因塞而緩言善藏其短苟難辨而守嘿用寡厥尤艱寒暄於猝遇或工入座

欽定四庫全書

李翰堂文集

七

之應酬溫言辭於客座或詳奏對以如流多言生垢維口啟羞行將謝辨士討遺編馳情象表邀思物先揮斥堅白艸吾太元千言波委儀泰結氣單辭挾奧義孔比肩俾言立而行遠冀書成以有待銷金石以寫心曾嘯歌之不廢嗟韓周之二美猶逡巡於吾輩彼竊笑而旁譏埒蟲聲與鳥喙隱鄴生之何辜橫就烹於游說又何羨乎嗇夫之喋喋使給哉廣川子曰兩先生之言盛矣而未免乎夸也夫吐辭成經多寡咸宜吉人罕踰語默

以時吃固非病夸亦奚施乃歌曰譏夫張兮貝錦怨歲捫舌兮白圭善天與默兮守吾中寧自安夫拙齋時生容皆太息而罷元晏先生瞿然竊喟然歎曰偉哉江都言約而富起而削牘書為吃賦

洗象賦

蓋聞帝德率舞乎鳥獸王風不廢乎觀游匪騁眩目之樂亶數咸若之休故麋鹿集乎靈囿虎兕入乎上林重譯絕阻之塞飛走珍奇之屬莫不梯山航海貢瑞獻琛

欽定四庫全書

李翰堂文集

六

皆兼收而並畜使游高而咏深於是林邑交趾慕義內響匪熊匪羆厥貢馴象其為物也素牙挺柱修鼻垂環蒼質擬石厚重等山鼻叩地而鼓簧以奏身服教而拜跪知嫺芻粟潔清頌康給以有秩居處爽塏列大屋以重關乃司魏闕乃服大輅朝謁謹時步止合度受詔則割膚不辭蓄勇而在羣罕鬪固惠養之積年亦馴性之有素爾乃令屬祝融節苦炎燭馬解鞍而喘汗人揮扇而煩鬱念茲體之龐重非需汗於一朝聞渡河而徹底

盍試浴以洪濤乃誦吉日馳羈勒出重閭就巨浸鼓吹
旁喧官騎前引其往不疑笑野狐之涉水其行坦步鄙
渴驥之奔泉初憑淺渚或踐澄淵昂首則神蛟鼓浪捲
鼻則長鯨吸川旋蹙盤渦則倒瀾曲注仰沫噴流則飛
雲散霧嗇夫奮帚拂拭容與毫末之可浣終不匿乎
泥污於是驚矚賦觀溢邪塞路公卿結轡以來游

至尊回輦而一顧何一物之遭逢濫九重之榮遇若夫
義車將旻去川即涂既捐宿臆彌曜鮮膚霑汗血流

欽定四庫全書

學館堂文集

十九

賸垂珠被清冷之適體若顧戀於須臾儻洗沐之可數
將何畏乎江湖夫韓廬至健供逐獵以追風虎豹至猛
長搖尾於園中不若爾之馴謹得游放以從容燧尾者
狂奔於戰壘塗泥者受矻於獅子不若爾之安閒樂清
淨以沒齒亂曰奮身荒服兮廁跡天闕佇待駕馭兮霑
灑國恩君方賤貨兮齒不焚身游腸滌臆兮伺奉至尊
苟馳驅之弗展兮慚尸素兮何言彼騶虞與麒麟兮當
何日兮來郊原

牡丹賦

瀛臺之西太液之渙天作一邱鸞停龍起玉泉遠流燕
山側峙

宸遊禁苑實據其趾山呼萬歲園稱百葉珍禽翼接異
卉花妥潘岳閒居不能列其名相如上林未遑載其夥
羅羣芳於四時推國花之獨冠既叢植於芝房復駢延
於蘭館信奇葩之可懷萃根株之無算若夫梅英繖落
柳絮將飛東風游燠墨莖初開盈盈灼灼鬱鬱皦皦千

欽定四庫全書

學館堂文集

二十

枝萬朵拂檻翻階雲殷別苑霞綸高臺白擬玉版赤類
丹砂既真珠之九莖亦千葉之蓮華壽安潛溪以地異
添色倒暈以種誇品盡洛陽之美數過廬陵之譜勝玉
樹之青蔥豈人間之所睹

天子乃佩蒼玉幸離宮移步輦就芳叢翠華旖旎周覽
蕭雍或紺蕊扶疎獨號朝天之紫或露苞灼爍名擅御
袍之紅或臨風昂首晨露未晞若向榮而吐氣聳翔步
於金闕或回飈側景朝雨方滋若承恩而既醉還霑灑

於朝衣列樹爭妍若六宮之奉顏色異彩繽紛又若冠裳之來萬國爾其修廊回幔日暖烟含青陽斜映綠暗紅酣於斯時也天顏一笑萬卉咸歡香吹合殿色射青山杜鵑屈膝桃李無言錦雞失艷南威喪妍時則授簡侍從淵雲之彥賞花賦詩飛英濡翰亦有重臣出使遠人朝見引入禁林恩霑芳宴剪插玉壺則婆娑几硯折賜宮僚則寵光繾綣元輿之賦告成香山之詩稱善陋李迪之留守煩驛送於長安笑沉香之亭子惟昵情於

欽定四庫全書

學錦堂文集

五

婉孌雖松有大夫之號蘭為王者之香拒霜有美人之面秋菊為隱者之糧芙蓉澤廣而蟬約將離質弱而傍徨莫不低眉却步遜謝顏頰臣拜手稽首為之歌曰處艷兮不治含芳兮不誇不與時競兮大肆其華豈遺世兮獨立欲並美兮不可得舒大文於東皇兮攬春暉兮何極

菊賦

猗山澤之靈卉稟天地之清剛森抱潔以標素亶含貞

而為章葉沃若以散霧枝翹翹其待霜慙百州之搖落歲崢嶸而獨芳雖狼藉於槿離將憔悴而何傷豈東華之不我告厲晚節以慨慷匪背暄以昧時固淑性之有常紛雜彩以陸離受金精而黃裳乘少皞之司今秉正色於中央遂回秋以成春詎姚氏之可王爾乃清飈疊薦白露旋實燕翔北翼鴻賓南景川原澄肅風日淒緊嶺桂告徂湘蘭泣冷肆騁寒葩載吐情韻霑潔讓其若飴飄颻颼以逾挺或敷浚谷或冒澄潭灌根天池滋族

欽定四庫全書

學錦堂文集

五

崑崙侶朝霞兮照曜與雲木兮相參喟芙蓉之凋歇悲楓樹於江南若乃辭宿莽登廣廈蔭山房凌水榭去故土而從遷迎沍寒而不謝蛺蝶莫由吮其旁蟄蟲不敢侵其下於是詞匠勞人曠懷高寄落英晨餐延目心醉收囊用枕紉華充佩肇獨賞於靈均張五美於鍾會亦有逸客勝流采芳滿手冒零雨以幽尋坐東籬而汎酒見南山之悠然忻歲月之無負或命之幽人或招為端友或升於丹陛或植於靈囿當上林之滌若揚麗綺於